

資治通鑑考異

一
函
十
五
冊
函

資治通鑑考異卷第十一

端明殿學士翰林讀學士中大夫提舉真嵩崇福皇柱國河內郡開國公食邑三千戶食實封三百戶司馬光奉

勅編集

長沙胡元常彝甫審校

唐紀三

則天皇后光宅元年三月壬申勣殺故太子賢

則天實錄賢死在二月壬申勣往巴州下舊本紀在三月唐厯

遣神勣舉哀追封皆有日今從之

九月薛仲璋收陳敬之繫獄

實錄作薛璋御史臺記云薛仲璋矯使楊府與徐敬業等謀反
夜與江都令韋知止子茂道計議倉曹參軍閻識微發之長史
陳敬之不察抑識微令遜謝仲璋佯事竟還出郭門羣臣

胡本作臣

官畢從其黨韋超遮道告密復畱繫問遂斬敬之今事從實錄
仲璋從臺記

裴炎下獄

新傳云炎謀乘太后出遊龍門以兵執之還政天子會久雨太

后不出而止若炎實有此謀則太后殺之宜矣且炎爲

胡本爲作有

此謀必有同黨當炎下獄崔警李景謏輩無事猶欲陷之況有

此迹其同黨能不首告乎又朝野僉載裴炎爲中書令時徐敬

業欲反合駱賓王畫計取裴炎同起事賓王足踏壁靜思食頃

乃爲謠曰一片火兩片火緋衣小兒當殿坐敎炎莊一

胡本一作上

小兒誦之并都下童子

胡本童子作小兒

皆唱炎乃訪學者令解之召

賓王數啖以寶物錦綺皆不言又賂以音樂妓女駿馬亦不語

乃將古忠臣烈士圖共觀之見司馬宣王賓王歛然起曰此英

雄丈夫也卽說自古大臣執政多移社稷炎大喜賓王曰但不

知謠識何如

胡本作如何

耳炎以

胡本以上有告字

謠言片火緋衣之事賓

王卽下北面而拜曰此眞人矣遂與敬業等合謀楊州兵起炎從內應書與敬業等合謀唯有青鷺字人有告者朝臣莫之能解則天曰此青字者十二月鷺字者我自與也遂誅炎此皆當時構陷炎者所言耳非其實也

李敬業陷潤州

唐紀云李思文拒守四十餘日而陷按敬業九月丁丑起兵十一月庚申敗纔四十四日耳今不取

李孝逸斬敬業等

唐紀初官軍逆風不利俄而風回甚勁孝逸縱火賊懼燒而潰敬業敬

胡本無敬字

猷之奇求仁賓王走歸江都焚簿書攜妻子潛

纂山下手書召宗臣敬業初與宗臣木契爲約時亡其契宗臣疑而不赴或云宗臣已歸順敬業入海欲奔東夷至海陵界阻風僞將王那相斬之求胡本求作來降餘黨赴水死今從實錄唐統紀

十二月斬程務挺

唐統紀曰旣而太后震怒召羣臣謂曰朕於天下無負羣臣皆知之乎羣臣曰唯太后曰朕事先帝二十餘年憂天下至矣公卿富貴皆朕與之天下安樂朕長養之及先帝棄羣臣以天下託顧與胡本與作於朕不愛身而愛百姓今爲戎首皆出於將相羣臣何負朕之深也且卿輩有受遺老臣倔强難制過裴炎者乎有將門貴種能糾合亡命過徐敬業者乎有握兵宿將攻戰必勝過程務挺者乎此三人者人望也不利於朕朕能戮之卿等

有能過此三者當卽爲之不然須革心事朕無爲天下笑羣臣頓首不敢仰視曰唯太后所使恐武后亦不至輕淺如此今不取

垂拱元年正月太后不奪徐思文姓武

實錄云思文表請改姓武許之蓋太后有此言思文因請之也今從唐紀

二年三月魚保家作銅匱

統紀唐厯皆云八月作銅匱今從實錄舊本紀又朝野僉載作魚思叅云上欲作匱召工匠無人作得者思叅應制爲之甚合規矩遂用之今從御史臺記

九月新豐有山踊出

統紀在十二月今從實錄

三年正月封皇子成美爲恆王

唐厯舊本紀新傳皆作成義今從實錄

四月蘇良嗣留守西京

實錄新舊本紀統紀皆無良嗣出守西京年月今據唐厯

五月張光嗣同平章事

舊本紀在四月傳在平越王貞後今從實錄

元常按今本胡註脫此條

七月曹玄靜討李思慎等斬之

舊書馮元常傳云元常自眉州刺史轉廣州都督屬安南首領李嗣仙殺都督劉延祐剽陷州縣敕元常討之帥士卒濟南海先馳檄示以威恩喻以禍福嗣仙徒黨多相率歸降因縱兵誅其魁首安慰居人而旋今從實錄

十一月李孝逸流儋州

新紀天授元年五月己亥

胡本無此四字

殺梁郡

胡本無郡字

公李孝逸孝

逸初封梁郡公以平徐敬業功改封吳國公垂拱三年減死除名配流儋州當削爵矣新傳云流儋州薨紀傳自相違唐厯云四月十一日誅益州長史李孝逸亦舊任也紀統誅李孝逸并其黨崔元昉裴安期唐厯并其黨崔知賢董元昉裴安期等今從實錄及舊傳

太后欲遣聿待價擊吐蕃

實錄十一

胡本一作二

月壬辰命待價爲安息道行軍

胡本無此二字

大總

管督三十六總管以討吐蕃不言師出勝敗如何至永昌元年五月又云命待價擊吐蕃七月敗於寅識迦河按本傳不云兩曾將兵今刪此事

四年七月韓王元嘉等謀匡復

舊傳垂拱三年七月誤也今從實錄

八月壬寅琅邪王沖起兵

實錄作丙午蓋據奏到之日也舊傳本紀作壬寅按沖以戊申死而實錄又云沖起兵七日而敗然則壬寅是也今從之

沖爲守門者所殺

臣神勣傳云爲勳官吳希智白丁孟青棒所殺今從實錄及沖傳

越王貞舉兵

實錄庚戌貞舉兵九月丙寅豫州平又云舉兵二十日而敗庚戌至丙寅纔十七日蓋皆據奏到之日耳

收魯王靈夔等赴

通鑑赴作於

東都皆自殺

舊傳靈夔流振州自縊死今從實錄

十二月周矩按騫味道伏誅

御史臺記味道陷周興獄今從矩傳

胡本矩傳作實錄

起天堂五級至三級則俯視明堂

舊薛懷義傳云明堂大屋凡三層計高三百尺又於明堂北起

天堂廣袤亞明堂今從小說及通典

僧懷義以功封梁國公

實錄云懷義監造明堂以功擢授左武衛大將軍固辭不拜時有右玉鈴衛將軍王慈徵長上果毅元肅然請與懷義爲兒旣而陰有異圖欲奉之爲主懷義密奏其狀由是慈徵等坐斬進拜懷義輔國大將軍封盧國公賜物三千段又表辭不受今從舊傳

永昌元年五月懷義爲新平軍大總管

舊傳爲清平道大總管今從實錄

胡三省曰余按新平幽州軍出幽州而北伐也

七月紀王愼子徐州刺史東平王續等皆被誅

舊傳云愼長子和州刺史東平王續最知名早卒今從實錄

八月甲申張楚金郭正一魏元忠流嶺南

唐厯七月二十四日張楚金絞死八月二十一日郭正一絞死

年代紀七月甲戌楚金絞死八月辛亥郭正一絞死

胡本無此九字新

書紀八月辛丑殺郭正一今據實錄楚金等皆流配未死舊書

楚金正一萬項傳皆云流嶺南御史臺記云元忠將刑至于市

神色自若則天以揚楚功免死流放復敘授御史中丞復陷來

俊臣獄復至市將刑神色如初其傍諸王子戮者三十餘尸重

疊委積元忠顧視曰大丈夫少選居此積矣曾不介懷會鳳閣

舍人王隱客馳騎傳呼敕罷刑復放嶺南又云前後坐棄市流

放者四舊傳云前後三被流今從舊傳

十月殺鄂州刺史嗣鄭王璿等

唐麻云撫州別駕舊傳璿作敬今從新本傳

胡本傳作紀

嗣滕王脩琦等六人流嶺南

統紀云元嬰男脩瑤等五人免死配流今從舊傳

天授元年二月王本立薨

新紀丁卯殺王本立御史臺記本立爲周興所誅今從實錄

四月范履冰下獄死

新紀五月戊子殺范履冰今從實錄唐麻

司刑丞杜景儉

實錄及新紀表傳皆作景佺蓋實錄以草書致誤新書因承之

耳今從舊紀傳

胡本紀傳誤統紀

八月殺唐宗室誅其親黨數百家

實錄作數千家今從舊本紀

十月殺韋方質

舊傳云配流儋州尋卒今從統紀新本紀

徐有功爭李行褒獄

新舊傳有功爭行褒皆在爭裴行本下按行本得罪在長壽元年一月時周興已貶死矣行褒坐謀復李氏必在革命後今置此年之末

二年正月改唐太廟

按實錄此年三月己卯改唐太廟爲享德廟據此已祔武氏七廟主不當至三月方改唐廟新本紀元年十月辛未改唐太廟爲享德廟以武氏七廟爲太廟今從唐統紀

二月立故太子賢之子光順爲義豐王

舊傳爲安樂王今從唐厯統紀

九月王慶之等數百人上表

御史臺記作千餘人今從舊傳

李昭德言當傳皇嗣

舊傳云延載初鳳閣舍人張嘉福令洛陽人王慶之率輕薄惡
少數百人詣闕上表請立武承嗣爲皇太子則天不許唐厯昭

德永昌元年自御史中丞貶振州淩水尉實錄長壽元年始爲

相舊傳杖殺慶之在爲相後按御史臺記昭德自中丞轉鳳閣

侍郎蓋暫貶淩水

胡本水下有尉字

尋召還爲鳳閣侍郎也杖殺慶之

據御史臺記乃是爲鳳閣侍郎時非爲相後也舊傳或誤

胡本無誤

字以載初爲延載慶之上表或在載初年實錄因李

胡本李作岑

長

倩格輔元之死說及耳今參取實錄御史臺記及舊傳之語

長壽元年一月擢用存撫使所舉人

統紀天授三

胡本三年作二

年二月十道舉人石艾縣令王山齡等六

十人擢爲拾遺補闕懷州錄事參軍霍獻可等二十四人爲御

史并州錄事參軍徐昕等二十四人爲著作佐郎及評事內黃

尉崔宣道等三

胡本三年作二

十三人爲衛佐疑與此只是一事

廬江郭霸

新傳名弘霸舊傳御史臺記皆單名霸唯統紀延載元年云弘

霸僉載云應革命舉蓋正

正原作止

謂此事

胡本事作時

也今從臺記

來俊臣羅告任知古狄仁傑等

舊來俊臣傳云地官尚書狄仁傑益州長史任令暉冬官尚書

李遊道秋官尚書袁智弘司賓卿崔基文昌左丞

胡本丞作史

盧獻

等六人並爲羅告李嶠傳云太后使給事中李嶠與大理少卿張德裕侍御史劉憲覆其獄德裕等雖知其枉懼罪並從俊臣所奏嶠曰豈有知其枉濫而不爲申明哉孔子曰見義不爲無勇也乃與德裕等列其枉狀由是忤旨出爲潤州司馬按嶠平生行事恐不能如此今不取

太月吐番酋長脅捶

唐紀作沓搖今從實錄

夏官侍郎李昭德爲鳳閣侍郎司賓卿崔神基並同平章事

舊昭德傳舉明經累遷至鳳閣侍郎長壽二年增置夏官侍郎以昭德爲之是歲遷鳳閣鸞臺平章事新紀表傳皆云昭德自夏官侍郎遷鳳閣侍郎同平章事蓋昭德自鳳閣爲夏官自夏官復爲鳳閣也婁師德傳長壽元年增置夏官侍郎今從之崔

神基實錄作崔基今從新紀表

周矩上疏言制獄

御史臺記云書奏遂授洛

胡本洛作洛

州司功舊薛懷義傳云矩劾

懷義遷矩天官員外郎竟爲懷義所構下獄免官御史臺記

又云時天官選曹無緒敕矩監之侍郎李景謀爲矩所制乃引

爲員外不關於吏道自此左出矣據舊傳矩劾奏薛懷義在後

著此年出爲洛

胡本洛作洛

州司功則不當復劾懷義但舊傳矩疏

在載初元年二月是時制獄未息今因朱敬則疏終言之

一年正月癸巳殺皇嗣二妃

新本紀臘月癸亥殺皇嗣妃劉氏德妃竇氏舊傳云正月二日

今從之

胡三省曰今按德妃竇氏卽玄宗母也

婢團兒